

## RESOLUCIÓN DO 10 DE MARZO DE 2021 POLA QUE SE ABRE UNHA CONVOCATORIA DO PROGRAMA IACOBUS PARA PATENTES

O programa IACOBUS é un Programa de cooperación cultural, científica e pedagóxica que xorde coa intención de dar un paso máis cara a configurar un auténtico espazo de integración interrexional entre as Universidades e institucións de Ensino Superior da Eurorrexión Galicia – Norte de Portugal. IACOBUS é unha acción impulsada pola Comunidade de Traballo Galicia – Norte de Portugal que provén das prioridades definidas no PIC - Plan de Investimentos Conxuntos da Eurorrexión e das estratexias establecidas pola RIS3-T, e que conta co apoio da Unión Europea, a través do financiamento ao Programa INTERREG V-A España – Portugal (POCTEP) 2014-2020.

IACOBUS - PATENTES ten como obxectivo principal fomentar a cooperación transfronteiriza en actividades de investigación, innovación e desenvolvemento tecnolóxico que posibiliten a súa valorización económica mediante a creación de novos produtos e servizos, a través de axudas económicas á utilización da Propiedade Industrial como ferramenta de protección das innovacións e de acceso aos mercados internacionais, mediante a concesión de subvenciones en réxime de concorrencia competitiva para o fomento das solicitudes de patentes promovidas dende a Eurorrexión Galicia Norte de Portugal para o ano 2020.

Os obxectivos do Programa IACOBUS - PATENTES son:

- Favorecer o gran esforzo de valorización económica necesario para a creación ou innovación de novos produtos ou servizos.
- Estimular a protección internacional da tecnoloxía, así como fomentar a protección das invencións galegas e portuguesas a través de patentes.
- Contribuír á mellora da competitividade das institucións na procura de mercados internacionais.
- Impulsar a presenza da Eurorrexión Galicia Norte de Portugal no marco das listaxes de pedidos de patentes internacionais e promovendo a súa notoriedade nas redes de atracción de capital risco de base tecnolóxica.

As actividades que conducen á solicitude e obtención do certificado / título de rexistro de patentes deberán ser desenvolvidas conxuntamente polas institucións de Ensino Superior da Eurorrexión Galicia – Norte de Portugal que asinaron o *“Protocolo de Cooperación Cultural, Científica e Pedagóxica entre as Universidades e as Institucións de Ensino Superior da Eurorrexión Galicia – Norte de Portugal”* en Vigo, o día 11 de abril de 2014. A Agrupación Europea de Cooperación Territorial Galicia – Norte de Portugal (GNP, AECT), como entidade xestora do Programa IACOBUS,

### RESOLVE:

Publicar esta convocatoria do Programa IACOBUS – PATENTES de acordo coas seguintes Bases:

## BASES

### 1. REQUISITOS DOS SOLICITANTES

Poden optar a participar neste programa os inventores ou investigadores solicitantes deben ter contrato en vigor cunha Universidade ou outra institución de Ensino Superior das especificadas a continuación:

- Universidade de Santiago de Compostela.
- Universidade da Coruña.
- Universidade de Vigo.
- Universidade do Porto.
- Universidade do Minho.
- Universidade de Trás-os-Montes e Alto Douro.
- Universidade Católica Portuguesa – Centros Regionais do Porto e de Braga.
- Instituto Politécnico do Porto.
- Instituto Politécnico de Viana do Castelo.
- Instituto Politécnico de Bragança.
- Instituto Politécnico do Cávado e do Ave.

## 2. ORZAMENTO E PERÍODO

O Orzamento desta convocatoria do Programa IACOBUS – PATENTES é de 40.000 €. Establécese como tope máximo da axuda 4.000 € por patente conxunta ou por solicitude de patente conxunta, repartidos ao 50% entre as institucións dos dous candidatos. Esta distribución, ben como o orzamento total do Programa IACOBUS, poderá ser modificada pola GNP, AECT en función das necesidades. A modificación publicarase na Web do Programa IACOBUS ([iacobus.gnpaect.eu](http://iacobus.gnpaect.eu)) e na Web da GNP, AECT ([www.gnpaect.eu](http://www.gnpaect.eu)).

## 3. REQUISITOS DA CANDIDATURA

Para optar ao financiamento do Programa, a solicitude de patente ou a concesión do certificado – título de rexistro da patente deberá ter sido realizada conxuntamente entre ao menos, un inventor dunha institución galega e outro inventor dunha institución portuguesa, no período comprendido entre o 1 de xaneiro de 2020 e o 31 Xaneiro de 2021. Cada candidatura deberá estar asinada por dúas persoas alo menos: unha persoa dunha Universidade / institución galega e outra dunha Universidade ou Institución de Ensino Superior do Norte de Portugal dos que figuran no apartado 1 destas BASES. Ámbalas dúas deben figurar como solicitantes / inventores na solicitude de patente.

Os candidatos teñen a obriga de dispor, se é o caso, do consentimento expreso dos restantes co-inventores / co-solicitantes da patente ou solicitude de patente, que os autorice a presentar a súa candidatura a esta convocatoria IACOBUS.

A documentación obrigatoria para presentar a candidatura ao Programa IACOBUS – PATENTES é a seguinte:

- Copia do DNI/CC dos candidatos;
- Copia do contrato/documento de vínculo coa Universidade ou Institución de Ensino Superior de cada candidato;
- Copia dos dous xustificantes bancarios (1 por cada candidato) nos que se reflectan os datos de titularidade das contas -grupos de investigación, departamentos de universidades, universidades ou institutos politécnicos- e os IBAN nos que ingresar a axuda.

- FORMULARIO DE PRESENTACIÓN DE CANDIDATURA AO PROGRAMA IACOBUS PATENTES.
- ANEXO I Declaración de autoría dos candidatos e autorización dos co-inventores para a presentación da Patente ao Programa IACOBUS - PATENTES.
- Copia do certificado – título de rexistro da patente ou solicitude de patente - sen restricións idiomáticas. Ademais:
  - No caso de Patente Internacional (PCT): Xustificante de pago da taxa asociada á solicitude (taxas de: depósito, transmisión, procura e pedido de prioridade).
  - No caso de Patente Europea: Xustificante de pago da taxa asociada á solicitude (taxas de: depósito, procura, exame, designación dos Estados Contraentes e por reivindicacións adicionais).

### **3.1 REQUISITOS DA PATENTE / SOLICITUDE DE PATENTE A PRESENTAR NA CANDIDATURA**

Os requisitos necesarios da patente ou solicitude de patente para poder presentar a candidatura por parte dos solicitantes son (unha opción das dúas):

- Ou que teñan un certificado – título de rexistro dunha patente europea ou internacional (vía PCT), presentada perante as oficinas nacionais de ES ou PT ou oficinas rexionais de patentes, no marco de procedementos de concesión de patentes, e incluíndo polo menos ámbolos dous países no ámbito xeográfico de protección, con data de publicación entre o 1 de xaneiro de 2020 e o 31 Xaneiro de 2021.
- Ou que teñan solicitado os trámites de concesión dunha patente europea ou internacional (vía PCT) perante as oficinas nacionais de ES ou PT ou oficinas rexionais de patentes, no marco de procedementos de concesión de patentes, e incluíndo polo menos ámbolos dous países no ámbito xeográfico de protección, con data de presentación das solicitudes entre o 1 de xaneiro de 2020 e o 31 Xaneiro de 2021.

A solicitude de patente ou o certificado da patente concedida deberá ter polo menos dous co-inventores (candidato 1 e candidato 2) que serán os que presentan a candidatura ao

programa Iacobus cumprindo os requirimentos da convocatoria para os candidatos. Os restantes co-inventores, no caso de existir, deberán autorizar a presentación da candidatura (Anexo I). Non hai limite no número de co-inventores da patente nin tampouco restrición algunha no relativo ás súas nacionalidades, sempre que se cumpra o mínimo referido nas liñas anteriores.

Cada patente ou solicitude de patente só se poderá presentar unha única vez. En ningún caso serán obxecto de subvención as validacións de patentes europeas en España ou Portugal nin as entradas en fase nacional en España ou Portugal.

Estas axudas serán compatibles con outras subvencións, axudas ou ingresos procedentes de calquera das Administracións ou entes públicos ou privados, nacionais, da Unión Europea ou de Organismos Internacionais. A suma das axudas ou subvencións outorgadas aos beneficiarios, no marco da presente convocatoria, en ningún caso poderá ser superior ao custo das actividades subvencionadas, de acordo coas regras de acumulación establecidas no artigo 5 do Regulamento (UE) nº 1407/2013 da Comisión do 18 de decembro de 2013.

#### 4. PRESENTACIÓN E ACEPTACIÓN DE CANDIDATURAS

Esta convocatoria rexerese polos principios de publicidade, obxectividade, transparencia, igualdade, non discriminación, eficacia e eficiencia.

A elaboración e presentación das candidaturas efectuarase unicamente a través do envío de documentación vía email na dirección que o Programa IACOBUS dispón ([iacobus@gnpaect.eu](mailto:iacobus@gnpaect.eu)), a partir do **día 29 de marzo de 2021** e **ata o día 30 de abril de 2021 ás 23:59 h (hora española)**. Poderanse empregar exclusivamente os idiomas galego, castelán ou portugués no desenvolvemento das candidaturas e na documentación esixida, agás no caso da documentación oficial relativa a patente ou solicitude de patente candidata, para a que non se contemplan restricións idiomáticas.

Non se admitirán as solicitudes presentadas fóra de prazo ou sen a documentación esixida ou os anexos debidamente cubertos e asinados dixitalmente co certificado FNMT ou coa assinatura digital do Cartão de Cidadão. Tampouco se admitirán as que non teñan debidamente cuberto o formulario de solicitude e os anexos correspondentes.

A presentación da solicitude implica que os interesados declaran baixo a súa responsabilidade que aceptan as bases da convocatoria, que todos os datos son certos e que autorizan a comprobación dos mesmos.

Se a solicitude non reúne todos os requisitos establecidos nesta convocatoria, requirirase o interesado para que no prazo de dez días hábiles emende os erros achegando a documentación preceptiva. Se transcorrido este prazo non se corrixe satisfactoriamente a solicitude, a candidatura será excluída definitivamente. Non poderá recorrerse esta decisión da Comisión de Avaliación ata a resolución desta convocatoria.

## 5. SELECCIÓN DE CANDIDATOS

Ao remate do período de candidatura referido no apartado 4 destas BASES, as solicitudes serán valoradas por unha Comisión de Avaliación. A composición da Comisión é a seguinte:

- 1 Presidente: designado pola dirección da GNP-AECT;
- 3 Vogais:
  - Un representante designado polo Director Xeral de Relacións Exteriores da Xunta de Galicia;
  - Un representante designado polo Presidente da Comissão de Coordenação e Desenvolvimento Regional do Norte de Portugal (CCDR-N);
  - Un representante designado pola Fundación Centro de Estudos Eurorrexionais (FCEER) en representación da rede de Universidades da Eurorrexión;
- 1 Secretario: un traballador da GNP, AECT.

En función das solicitudes presentadas, a Comisión de Avaliación poderá decidir dar prioridade aos títulos de patentes ou solicitudes de patentes:

1. As patentes concedidas por diante das solicitadas.
2. As patentes con ámbito xeográfico de protección mais amplo.
3. Que mellor se encadren nas prioridades da Eurorrexión, fundamentalmente recollidas no Plano de Investimentos Conxuntos da Eurorrexión (PIC 14-20) e na RIS3-Transfronteiriza.

4. As patentes coa data de presentación mais antiga, dentro do prazo admisible na presente convocatoria.
5. Outros elementos de valoración.

Ademais, a Comisión tentará manter unha proporcionalidade entre os centros de educación superior incluídos no apartado 1, de xeito que se fomente a participación das distintas Universidades e Institucións de Ensino Superior da Eurorrexión Galicia-Norte de Portugal. Así mesmo buscarase fomentar a paridade entre homes e mulleres e entre distintas macro-áreas de coñecemento.

## 6. RESOLUCIÓN E NOTIFICACIÓN

A GNP, AECT publicará na Web do Programa IACOBUS ([iacobus.gnpaect.eu](http://iacobus.gnpaect.eu)) a relación provisional de beneficiarios e concederá un período de reclamación ou alegacións de 10 días hábiles. Tras este período, fará pública unha resolución motivada co nome dos beneficiarios, que poderá ser recorrida perante o mesmo órgano que ditou a resolución no prazo dun mes.

## 7. PAGAMENTO

O pagamento efectuarase única e exclusivamente ás contas bancarias pertencentes aos grupos de investigación ou departamentos dos inventores de Universidades e Institucións de Ensino Superior, ou desas institucións en función da súa organización (para seren recibidos nas partidas dos grupos ou departamentos), aos que as persoas beneficiarias do Programa IACOBUS – PATENTES estean vinculadas laboralmente.

Os beneficiarios teñen a obriga de asinar e enviar vía email ao Programa IACOBUS cadanseu ANEXO II, e un documento (recibo ou xustificante bancario, no que figure o nome do titular, o IBAN e o importe ingresado) que acredite que se recibiu o pagamento. A achega destes documentos é condición indispensable para poder recibir o certificado de que se formou parte do Programa IACOBUS – PATENTES.

## 8. OBRIGAS DOS SELECCIONADOS

Os beneficiarios do Programa IACOBUS – PATENTES aceptan que a GNP, AECT publique na Web do IACOBUS o *resumo* nunha das tres linguas oficiais da convocatoria e, no seu caso, un enlace dixital a publicación oficial ou un resumo na que sexa accesible información básica sobre a súa patente.

A participación no Programa IACOBUS – PATENTES implica que os seus beneficiarios aceptan xustificar os importes recibidos, isto é, que presentan os documentos xustificativos e recibos acreditativos do pagamento – ANEXO II e xustificante bancario-.

## 9. PROTECCIÓN DE DATOS

Segundo a normativa de protección de datos, infórmase a cada candidato de que os seus datos formarán parte dun ficheiro do que a GNP, AECT é responsable. Os datos dos candidatos serán tratados exclusivamente coa finalidade de incorporalos ao proceso de selección da presente convocatoria, e eventualmente para o envío de información relativa ao Programa IACOBUS e outras actuacións da GNP,AECT.

O candidato poderá exercer os seus dereitos de acceso, rectificación, cancelación e oposición dirixindo unha solicitude asinada dixitalmente á GNP, AECT.

## 10. DISPOSICIÓN FINAL

O aproveitamento deste programa non xera ningún tipo de vínculo laboral, administrativo nin de calquera outra natureza contractual ou legal entre a GNP, AECT e os beneficiarios.

Esta convocatoria entrará en vigor o día seguinte ao da súa publicación na plataforma Web do Programa IACOBUS.





## FORMULARIO DE SOLICITUDE E ANEXOS

Formulario do Programa IACOBUS – PATENTES para a presentación da patente ou solicitude de patente.....	10
ANEXO I: Declaración de autoría dos candidatos e autorización dos co-inventores para a presentación da candidatura ao Programa IACOBUS - PATENTES.....	11
ANEXO II. Modelo de xustificante de pago Programa IACOBUS - PATENTES. ....	12

**Formulario do Programa IACOBUS – PATENTES para a presentación da patente ou solicitude de patente.**

*Nota: É obrigatorio cubrir todos os campos desta primeira parte do formulario e asinalo dixitalmente co certificado FNMT ou coa assinatura digital do Cartão de Cidadão*

**IDENTIFICACIÓN DA PATENTE / SOLICITUDE DE PATENTE EUROPEA ou INTERNACIONAL**

**1 TÍTULO DA INVENCIÓN:**

\_\_\_\_\_

**2 NÚMERO DA PATENTE / SOLICITUDE DE PATENTE, EUROPEA OU INTERNACIONAL:**  
Indicarase de forma completa, incluíndo o dígito de control: \_\_\_\_\_

**3 NÚMERO DE PUBLICACIÓN DA PATENTE / SOLICITUDE DE PATENTE EUROPEA OU INTERNACIONAL:** Indicarase seguido do código de publicación que corresponda:

\_\_\_\_\_

**4 IDENTIFICACIÓN DO(S) SOLICITANTE(S):** (Apelidos e nome / denominación social e pais).  
Engadir tantos como sexa necesario

4.1 \_\_\_\_\_

4.2 \_\_\_\_\_

4.3 \_\_\_\_\_

**5 IDENTIFICACIÓN DOS INVENTORES:** (Apelidos e nome mais nome da institución de ensino superior a que pertence). Engadir tantos como sexa necesario.

5.1 \_\_\_\_\_

5.2 \_\_\_\_\_

5.3 \_\_\_\_\_

**6 DESCRICIÓN DA INVENCIÓN** acompañada dun resumo nos idiomas galego, castelán ou portugués e no seu caso, dun enlace Web a publicación oficial da patente.

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

SINATURA DIXITAL CANDIDATO 1

SINATURA DIXITAL CANDIDATO 2

## **ANEXO I: Declaración de autoría dos candidatos e autorización dos co-inventores para a presentación da candidatura ao Programa IACOBUS - PATENTES.**

### **DECLARACIÓN DE AUTORÍA DOS CANDIDATOS**

*Nota: É obrigatorio cubrir todos os campos desta primeira parte do formulario e asinalo dixitalmente co certificado FNMT ou coa assinatura digital do Cartão de Cidadão.*

Os abaixo asinantes (Candidatos 1 e 2) declaran a autoría da Patente / solicitude de patente de título / referencia: \_\_\_\_\_

CANDIDATO 1  
NOME E APELIDOS  
D.N.I. / C.C  
INSTITUCIÓN  
DEPARTAMENTO / GRUPO DE INVESTIGACIÓN

CANDIDATO 2  
NOME E APELIDOS  
D.N.I. / C.C  
INSTITUCIÓN  
DEPARTAMENTO / GRUPO DE INVESTIGACIÓN

SINATURA DIXITAL CANDIDATO 1

SINATURA DIXITAL CANDIDATO 2

### **AUTORIZACIÓN DOS CO-INVENTORES**

*Nota: Cubrir e asinar os seguintes campos só no caso de existir co-inventores adicionais distintos aos Candidatos 1 e 2.*

Os abaixo asinantes (Co-inventores) dan o seu consentimento aos Candidatos 1 e 2 para presentar a patente / Solicitude de patente de título \_\_\_\_\_ á convocatoria vixente do PROGRAMA IACOBUS - PATENTES.

CO-INVENTOR 1  
NOME E APELIDOS  
INSTITUCIÓN

SINATURA DIXITAL CO-INVENTOR 1

·  
·  
·

CO-INVENTOR N  
NOME E APELIDOS  
INSTITUCIÓN

SINATURA DIXITAL CO-INVENTOR N

## ANEXO II. Modelo de xustificante de pago Programa IACOBUS - PATENTES.

*(Unha copia por cada beneficiario)*

NOME E APELIDOS do candidato

D.N.I. / C.C

INSTITUCIÓN

DEPARTAMENTO / GRUPO DE INVESTIGACIÓN / UNIVERSIDADE

### Declara:

Que o departamento, grupo de investigación ou universidade no que desenvolve a súa actividade investigadora recibiu a cantidade de \_\_\_\_\_ € pola súa participación no Programa IACOBUS – PATENTES como co-inventor da patente / Solicitud de patente de título:

---

Sinatura dixital  
*(Beneficiario do IACOBUS)*

en \_\_\_\_\_ a DD/MM/AAAA.

*Nota: É obrigatorio cubrir todos os campos deste formulario e asinalo dixitalmente co certificado FNMT ou coa assinatura digital do Cartão de Cidadão.*